


乾隆鎮江府志(二)



(清)

高得貴

(清)

張九徵等纂
朱霖等增纂

修



鎮江府志卷之三十三

國系

劉宋崛起實基京口少帝文帝又皆生長此間故元嘉之詔念大業攸始惓惓桑梓德意綿繆雖餘分閭統亦有足紀但其詳載在南史僅錄創造之初事關京口者以便觀覽長沙臨川系屬同產皆得以次附列焉志國系

宋武帝劉裕字德輿小字寄奴先世爲彭城人晉東遷劉氏移居丹徒之京口里以晉哀帝興寧元年三月壬寅夜生神光照室盡明及長雄傑有大度不事廉隅小

鎮江府志

卷之三十三

一

節奉繼母以孝聞家素貧時人莫知惟瑯琊王謐知之常負刁達社錢三萬被達執不得脫謐代之償聞伐荻江上新洲有六蛇數丈射之明日至聞有杵臼聲兒童子數人皆青衣搗藥問其故答曰我王爲劉寄奴所射合藥傳之耳曰何不遂殺之曰劉寄奴王者不死大叱之皆散走遂收藥反傳金瘡無不立驗隆安三年孫恩作亂於會稽朝廷遣將軍劉牢之往討以裕參府軍事牢之遣與數十人覘賊衆數千裕與戰所將人多死而裕獨奮長刀殺傷賊衆恩遁入海四年恩後入會稽裕每戰陷陣賊遂退五年恩出海鹽又擊破之恩浮海至

丹徒裕兼行與俱至奔擊大破之晉帝以爲下邳大守元興元年桓元東下裕時參劉牢之軍請擊之不許乃遣于敬宣詣元請和裕與何無忌固諫不從元克建鄴牢之竟縊死於新洲裕與何無忌還京口元篡位桓修入朝裕從至建鄴元私謂修曰劉裕風骨不常蓋人傑也元妻劉氏亦謂元曰劉裕龍行虎步視瞻不凡恐必不爲人下修尋還京口裕託疾不與修偕行乃與何無忌同船還建興復計及弟道規劉毅孟昶檀憑之等密謀起兵二月乙卯裕託游獵與無忌等集義徒凡二十七人願從者百餘人丙辰候城門開無忌等義徒服傳

鎮江府志

卷之三十三

二

詔服稱詔居前衆馳入卽斬修以徇

義軍初克

京城修司馬刁宏率文武佐吏來赴裕登城謂曰郭江州已奉乘輿反正於尋陽我等并被密詔誅逆黨諸君非大晉之臣乎宏等信之而退毅等至裕命收宏等誅之元聞義兵起懼謂所親曰劉裕一世之雄毅家無擔石之儲樛蒲一擲百萬何無忌劉牢之外甥酷似其舅共舉大事何謂無成也時衆咸推裕爲盟主裕命尚書王琨率百官奉迎乘輿初晉陵人韋叟善相術桓修令相裕當得州否叟曰當得邊州退而告裕曰君相貴不

可言裕笑曰相若准當用君爲司馬至是叟詣裕遂用焉桓氏滅詔進裕侍中車騎將軍都督中外諸軍錄尚書事裕固讓旋鎮丹徒嗣是滅南燕慕容超滅盧循誅劉毅伐蜀滅譙縱伐關洛禽姚泓進爵爲王代晉國號宋事詳南宋史在位三年殂年六十葬蔣山謚武皇帝帝微時耕於丹徒至受命耕耨之具咸命收藏及文帝幸舊宮見之有懋色

少帝義符小字車兵母曰張夫人晉義熙二年生於京口時武帝年踰四十未有子及義符生甚悅拜豫章公世子膂力絕人善騎射解音律宋臺建拜宋世子武帝鎮江府志

卷之三十三

三

受禪立爲太子永初三年五月武帝崩乃卽帝位

文帝義隆小字車兒武帝第二子也晉義熙三年生於京口十一年封彭城縣公永初元年封宜都郡王時年十四長七尺五寸博涉經史善隸書少帝廢徐羨之傅亮以顧符所集迎卽位元嘉四年二月行幸丹徒謁京陵三月丙子宴丹徒宮帝卿父老咸與焉獨丹徒租布原五歲刑以下每詔發念丹徒爲桑梓恩卹倍厚長沙景王道憐宋武帝中弟也武帝克京城及平建鄴道憐常留侍母後以軍功封新喻縣男從武帝征廣西所部獲慕容超以功改封竟陵縣公拜司空徐兗二州

刺史加都督鎮京口武帝受禪遷太尉封長沙王先是廬陵王義真爲揚州刺史太后謂武帝曰道憐汝布衣兄弟宜用爲揚州武帝以揚州根本非道憐所了竟不授永初三年薨葬禮依晉安平王孚故事鸞輅九旒黃屋左纛輜輶車挽歌二部前後羽葆鼓吹虎賁班劍百人子義欣嗣封謚曰成

臨川烈武王道規字道則武帝少弟也世居京口儻有大志

鎮江府志

卷之三十三

四

以起義勲封華容縣公桓謙寇江陵道規率諸將破斬之初謙至枝江江陵士庶與書告以虛實道規皆焚燒衆大安徐道覆奄至人情大震江漢士庶感其焚書恩無復二志竟破道覆義熙八年薨贈司徒謚曰烈武無子以長沙景王第二子義慶嗣封元嘉中詔同道憐劉穆之檀道濟等並勒功配享義慶謚曰康營浦縣侯劉遵考謚元高祖之從弟

桂陽縣侯劉義融謚恭義欣之弟

新喻縣男劉義宗字伯攸謚惠義融之弟

興安縣侯劉義賓謚肅義宗之弟

營道縣侯劉義恭謚信義賓之弟

國系

齊梁代禪同屬蘭陵按齊書載高帝居晉陵武進
梁史載武帝爲南蘭陵人在晉宋時以武進分屬
東海而以曲阿延陵屬晉陵梁時改曲阿武進爲
蘭陵當時武進曲阿或並屬或同名時分時合大
抵二而一矣今丹陽東鄉猶有蕭家港相傳爲齊
梁祖父故居而諸陵並在邑治尤章章可考非若
孫文臺由富春起家不可混入丹陽比也顧文臺
薨後傳言還葬曲阿伯符遷母及弟居之此空云
流寓不可列土著也舊邑志傳帝王并及大帝則
失之証府志不入齊梁又失之畧茲特詳補其世
次焉至本紀繁衍載在南史者義從節取無用泛
陳要於毘陵志中不能無互見者矣

齊太祖高皇帝蕭道成字紹伯小諱闕將漢相國蕭何
二十四代孫晉元康初分東海爲蘭陵郡中朝亂淮陰
令整過江居武進之東城里寓居江左者皆倚置本土
加以南名於是爲南蘭陵人泰始中除桂陽王昇平二
年都督南都充青冀等十六州諸軍事三年進位相國
封齊王尋受宋禪改昇平三年爲建安元年在位四年
壽五十四

世祖武帝諱字宣遠太祖長子小字龍兒太祖受禪爲
皇太子建元四年卽位改元永明在位十一年年五十
四

鬱林王昭業字元尚文惠太子長子太子薨立爲太孫
居東宮永明十一年卽位改元隆昌一年謀誅西昌侯
鸞尋被弑年二十一

海陵恭王昭文字文惠太子第二子鬱林王廢西昌侯
鸞議定爲帝尋稱王有疾數遣御師占視乃殞之依東
海王故事諡曰恭年十五

高宗明帝鸞字景栖始安貞王道生子少孤太祖撫育
鎮江府志 卷之三十三 七

思過諸子建元元年封西昌侯海陵王立封宣城公尋
晉爲王廢海陵王以上入纂太祖爲第三子卽位改元
建武四年又改永泰二年殂年四十七

東昏侯寶卷字智藏本名明賢高宗第二子永泰元年
卽位改元永元在位三年被弑追封東昏侯

和帝寶融字智昭高宗第八子建元元年封隨郡王永
元元年改封南康二年梁王蕭衍舉義土表勸進宣德
太后令進封宣城王三年卽帝位于江陵改元中興在
位二年禪位于梁明年薨追尊爲齊和帝

衡陽元王道度太祖長兄仕宋至安定太守建元二年

追加封諡無子太祖以子鈞繼道度後

始安貞王道生字季伯太祖次兄宋世爲奉朝請卒建
元元年追加封諡子遙光嗣

高帝十九男武帝豫章王疑諡文獻臨川獻王映長沙
威王晃武陵昭王昱安成恭王高郢陽王鐸晉熙王銖
桂陽王鐸始興王鑑宜都王鐸衡陽王鈞江夏王鋒河
東王鎰南平王銳第九十三十四十七皇子早亡衡陽
王出繼元王後

武帝二十三男文惠太子長懋字雲喬建元十一年薨
竟陵王子良廬陵王子卿魚腹侯子響安陸王子敬建
鎮江府志 卷之三十三 八

安王子真晉安王子懋衡陽王子峻隨郡王子隆西陽
王子明南海王子罕巴陵王子倫邵陽王子貞臨賀王
子岳西陽王子文南康王子琳永陽王子珉湘東王子
建南郡王子夏第六十二二十五二十二皇子早亡建武
中子珉繼元王後

文惠太子四男鬱林王昭業海陵恭王昭文巴陵王昭
秀桂陽王昭粲

明帝十一男東昏侯寶卷江夏王寶元都陽王寶寅和
帝巴陵王寶義晉熙王寶嵩廬陵王寶源邵陵王寶攸
桂陽王寶貞餘皆早夭

梁高祖武皇帝衍字叔達小字練兒南蘭陵中都里人與齊同承淮陰令整父順之爲齊高帝始族弟中興元年授中書監都督南徐二州諸軍事大司馬錄尚書驃騎大將軍尋晉位梁王二年受齊禪改元天監十八年改普通七年又改大通二年又曰中大通六年又改大同十一年又曰中大同一年又改太清三年侯景犯順攻陷宮城帝以所求不供受憤寢疾崩於淨居殿年八十六在位四十八年

太宗簡文帝綱字世讚小字六通武帝第三子昭明太子母弟也天監五年封晉安王大通三年立爲皇太子

鎮江府志

卷之三十三

九

太清三年臺城陷太子坐永福省見侯景神色自若無懼容帝崩卽皇帝位改元大寶二年侯景廢帝爲晉安王幽于永福省使王偉飲帝壽酒帝知見殺乃盡酣既醉而寢進以土囊遂崩年四十九明年王僧辨平侯景元帝追尊爲簡文帝廟號太宗

世祖元帝緯字世誠武帝第七子封湘東王大寶二年王僧辨等奉表勸進明年始卽帝位于江陵改太清六年爲承聖元年在位三年魏師寇城徵兵四方未至帝在幽逼梁王詒遣尚書傅準進土囊殞之年四十七敬皇帝方智字慧相小字法真元帝第九子太清二年

封梁興侯承聖元年封晉安郡王承聖四年齊送貞陽

侯蕭明來主梁嗣司徒陳霸先黜蕭明而奉帝焉改元

紹泰在位二年禪于陳奉帝爲江陰王薨子外郎

武帝八男昭明太子統大通三年薨簡文帝廬陵王續

元帝豫章王綜南康王績邵陵王綸武陵王紀

簡文帝二十子哀太子大器南郡王大連潯陽王大心

南海王大臨安陸王大春瀏陽王大雅新興王大莊西

陽王大鈞武寧王大盛建平王大球義安王大昕綏建

王大摯臨川王大欵桂陽王大成汝南王大封樂良王

大圖皇子大訓早亡無封其餘史不載

鎮江府志

卷之三十三

十

元帝諸子忠烈世子方等貞惠世子方諸始安王方畧

愍懷太子方矩敬皇帝餘不傳

武帝受禪尊皇考順之爲文皇帝文帝十男長沙王

宣武王懿永陽王敷武帝衡陽王暢桂陽王融臨川王

宏南平王偉安成王秀始興王憺鄱陽王恢

吳平侯景字子照武帝從父弟天監初追諡文宣

名宦上

刺守叅佐宰貳教職軍鎮志詳矣然舉其姓氏未舉其功德事蹟也輯名宦志備詳之其豐功大猷彪炳天壤者爲紀實以垂後世卽爲吾民興一利與以一節之善著者亦臚列弗遺不止學官所祀名宦諸人已也至於史有本傳第卽其事關京口者節取志之吾民以嚮其利爲有德俎豆勿替誦述更勿數焉志名宦

吳

孫韶字公禮吳人伯父河孫策用爲將軍屯京城初孫

鎮江府志

卷之三十三

又十

權殺吳郡太守盛憲憲故孝廉矯覽戴負殺河韶年十七收河餘衆繕治京城起樓櫓修器械以禦敵孫權聞亂從椒邱還過之丹陽引軍歸吳夜至京城下營試攻驚之兵皆棄城傳檄備警謹動地頗射外人權使曉諭乃止明日見韶甚器之卽拜承烈校尉統河部曲食曲阿丹徒二縣自置長吏一如河舊

孫桓河之子也拜安東中郎將與陸遜共拒劉備備軍衆甚盛彌山盈谷桓投刀奮命與遜僇力備遂敗桓斬上堦道截其徑要備踰山越險僅乃得免忿恚嘆曰吾昔初至京城桓尚小兒而今迫孤乃至此也桓以功拜

徐州刺史

謝元字幼度少爲叔父安器重由建武將軍進號冠軍加領徐州刺史符堅入寇元爲前鋒都督徐兗青揚州之晉陵幽州之燕國諸軍事鎮淮陰遇疾上疏求解職召還京口療疾累疏乞間

司馬恬字元瑜忠正有幹局孝武帝時以爲都督兗青冀幽并揚州之晉陵徐州之南北郡軍事鎮北將軍兗青二州刺史假節

劉牢之字道堅彭城人居京口面目驚人沉毅多計畫以勇應募叅謝元軍事領精銳爲前鋒號北府兵敵人

鎮江府志

卷之三十三

十一

畏之王恭鎮京口引爲府司馬加輔國將軍晉陵太守代恭爲都督兗青冀幽并徐揚州之晉陵軍事鎮京口孫恩攻陷會稽牢之東討恩浮海奄至京口戰士十萬樓船千餘牢之在山陰使劉裕自海鹽赴難牢之率大衆還裕兵不滿千人與賊戰破之恩率衆鼓譟登蒜山裕率衆奔擊大破之恩聞牢之已還乃走郁州又爲牢之子敬宣劉裕等所破後爲征東將軍會稽太守卒歸葬丹徒

沈警字世明吳興人王恭鎮京口與警有舊好引爲叅軍手書殷勤苦相招致不得已應之復謝去子穆夫恭

命爲主簿謂警曰足下既執不拔之志高臥東南故屈賢子共事非以吏職嬰之也

殷仲堪陳郡人領晉陵太守居郡禁產子不舉久喪不葬所下條教甚有義理

吳隱之字處默濮陽鄆城人累遷晉陵太守在郡清儉妻自負薪

謝方明初任著作郎從兄景仁舉爲劉裕中兵主簿事思忠益知無不爲項之轉從事中郎劉道憐鎮京口方明爲長史府內衆事皆諮決之

朱齡石字伯兒沛人桓修刺徐州齡石爲撫軍叅軍劉鎮江府志

卷之三十三

十一

裕克京城以爲建武叅軍補徐州主簿齡石有武幹又練吏職裕甚親委之

宋

劉義康義符弟永初三年授使持節都督南徐兗二州

揚州之晉陵諸軍事南徐州刺史加都督元嘉六年又

加司徒錄尚書事領平北將軍南徐州刺史前後在藩多有善政

陸仲元永初二年長沙王道憐鎮京口時爲司馬道憐

入朝留仲元居守刁達子彌爲亡命率數十人人京城

仲元擊斬之

張岱字景山永弟新安王子鸞爲南徐州高選佐史孝武召岱謂曰卿美效夙著兼資宦已久今欲用卿爲子鸞別駕總刺史之任無謂小屈終當大伸也後爲吳興太守召遷南兗州刺史未拜卒

沈文季字仲達吳興武康人泰始中晉手王休佑刺南徐求上佐文季轉驃騎長史領南東海太守休佑被殺

僚佐多不敢至文季獨往墓展哀時人義之王敬則反前鋒奄至曲阿詔左典盛劉山陽胡松築壘于曲阿長

岡文季爲持節都督屯湖頭備京口路敬則急攻典盛山陽二壘軍各死戰敬則大敗

鎮江府志

卷之三十三

十二

劉景素渾從子使持節都督六州諸軍事鎮軍將軍南徐州刺史歲饑散秩粟俸帛繼民之乏蠲理冤疑民甚

德之

沈嶢之爲丹徒令以廉自守不事左右浸潤日至遂鎮

繁尚方歎曰一見天子足矣上召問之嶢之曰臣坐清所以獲罪上曰清何以獲罪曰無以奉要人上曰要人

爲誰嶢之以手版四面指曰此赤衣諸賢皆是上知其無罪復除丹徒令

江淹字文通濟陽考城人起家南徐州從事轉奉朝請

建平王景素好士淹隨在南兗州以郭彥文辭連繫州

獄淹獄中上書得釋尋舉南徐州秀才對策上第再遷府主簿及景素鎮京口淹爲鎮軍參軍領南東海郡丞景素與腹心日夜謀議淹知禍機將發乃贈詩十五首諷焉

何昌寓字儼望廬江瀟人建平王景素刺南徐昌寓爲府主簿以風素見重母老求祿出爲湘東太守

王思遠瑯琊臨沂人建平王景素刺南徐辟爲州主簿淡見禮遇景素被誅左右離散思遠親視殯葬手種松栢與廬江何昌寓沛郡劉璉上表理之

祖冲之字文遠范陽荊人解褐南徐州迎從事公府參鎮江府志

卷之三十三

十四

軍明厯法解鍾律又特善算常造指南車又造歌器千里船等器

李安民蘭陵承人元徽中建平王景素作難蕭道成使安民防之安民破景素軍於葛橋景素誅留安民行南徐州事城局參軍王廻素爲安民所親盜絹二疋安民流涕斬於軍門厚爲歛祭軍府皆震服

齊

蕭疑字宣儼高帝子建元元年侍中尚書令都督揚南徐二州諸軍事後刺荆湘再爲都督揚南徐二州諸軍事爲治寬厚得朝野歡心歷任太子太傅大司馬

范雲字彥龍南鄉舞陰人竟陵王子良爲南徐兖州靈爲主簿每陳朝政得失於子良子良爲雲求祿齊武帝曰聞雲誦事汝政當流之對曰雲之事臣動相箴諫諫書存者百餘紙帝索視言皆切至咨嗟良久

周洽汝南人廉約無私爲曲阿令遷都水使者卒無以殯吏人爲買棺器

江祀字景昌祜弟建武中晉安王刺南徐祀爲鎮北長史南東海太守行府州事治有官尼廟久廢不修祀更開掃構立

邱仲孚字公信吳興人初爲國子生王儉曰東南之美鎮江府志

卷之三十三

十五

復見邱生建武中爲曲阿令會稽太守王敬則反乘朝廷不備反問至而前鋒已屈曲阿仲孚鑿長岡埭瀉水以阻其路敬則軍至遇瀉涸果頓兵不得進遂敗仲孚以拒守功遷山陰令

謝朓字元暉陳郡陽夏人少好學有美名建武四年以鎮北諮議參軍領南東海太守行南徐州事遷尚書吏部郎

到洽字茂洽少知名年十八爲南徐州迎西曹行事是時謝朓領南東海太守行南徐州事文章盛於一時見洽深相賞好日引與談論每謂洽曰君非直名人乃亦

兼資文武

蕭秀字彥達武帝弟永元中爲晉熙王冠軍長史南東海太守中興二年使持節都督南徐兗二州諸軍事南徐州刺史京口累被兵革民戶流散秀招懷撫納惠愛大行值年饑以私財贍百姓所活甚多

梁

蕭績武帝子天監十年使持節都督南徐州諸軍事南徐州刺史進號仁威將軍時年甚幼主者有受貨洗改解書長史王僧孺弗之覺績見輒詰之卽首服衆咸歎其聰穎

鎮江府志

卷之三十三

六

孔休源字慶緒會稽山陰人普通中爲晉安王府長史南蘭陵太守別敕專行南徐州事休源累佐名藩甚得民譽王渙相倚仗軍民機務動止詢謀嘗於齊中別設一榻云此是孔長史座人莫得與焉

蕭綸績弟中大同元年爲鎮東將軍南徐州刺史時侯景叛逆綸率步騎三萬發京口將軍趙伯超曰若從黃城大道必與賊遇不如徑路直指鍾山出其不意綸從其議衆軍奄至大破景斬首千餘級

蕭子雲字景喬齊太祖孫豫章文獻王疑子也封新浦縣侯自製拜章便有文采天監初降爵爲子以晉代竟

無全書弱冠留心撰著至年二十六書成表奏之年三十起家爲秘書郎累遷北中郎廬陵王諮議參軍大通

元年遷輕車將軍兼司徒左長史二年入爲吏部俄爲侍中大同二年遷員外散騎常侍國子祭酒領南徐州大中正頃之復爲侍中祭酒中正如故梁郊廟未革牲牲樂辭皆沈約撰至是承用子雲始建言宜改敕使子雲撰定子雲善草隸書爲世楷法自云善效鍾元常王逸少而微變字體其書迹雅爲高祖所重嘗論子雲書曰筆力勁駿心手相應巧踰杜庶美過崔實當與元常並驅爭先其見賞如此太清元年復爲侍中國子祭酒

鎮江府志

卷之三十三

七

領南徐州大中正二年侯景作亂子雲東奔晉陵餒卒於顯靈寺僧房年六十三所著晉書一百一十卷東宮新記二十卷次子特字世達亦善草隸高祖嘗謂子雲曰子敬之書不及逸少近見特迹遂逼於卿歷官著作佐郎太子舍人年二十五先子雲卒

王勣字公齊瑯琊臨沂人爲河東王功曹史王出鎮京口勣將隨之藩張纘典選舉曰王生才地豈可游外府平奏爲太子洗馬後出爲南徐州別駕從事史大同末武帝謁園陵道出朱方勣隨例迎候敕勣令從輦側所經山川莫不顧問勣隨事應對咸有故實又從登北固

詩帝甚嘉之

蕭洽字宏稱惠基子天監初爲南徐州治中從事既近畿重鎮吏士數十人前後居之者皆致巨富洽清身率職饋遺一無所受妻子不免饑寒累遷臨海太守生平好學工文文集二十卷行於世

褚潛字士洋河南人爲曲阿令再爲延陵令清謹可紀蕭詠素由丹陽尹丞遷司徒左西屬南徐州從事性靜退少嗜慾好學能清言居職任情通率不自矜尚天然簡素

蕭淡藻太清二年爲南徐州刺史侯景亂淡藻遣長子鎮江府志

卷之三十三

大

或率兵入援景遣其儀同蕭邕代之據京口或勸奔江北淡藻曰吾國之股肱旣不能誅賊當同死朝廷安能投身異類欲保餘生因不食薨

江子一字元亮濟陽考城人由尚書儀曹郎出爲遂昌曲阿令著美績後人立廟祀之

陳曇朗霸先弟有膽力善綏御霸先誅王僧辯留曇朗鎮京口知留府事紹泰元年除中書侍郎監南徐州二年霸先自往京口迎曇朗還使爲質于齊後遇害謚曰壯

蔡景歷字茂世濟陽考城人侯景陷臺城景歷在城中

與南康嗣王會理通謀匡復事泄被執已而獲免因客游京口侯景平陳霸先鎮京口素聞其名以書要之授北府中記室參軍入陳領記室累遷秘書監封侯

徐嗣徽承聖元年爲南徐州刺史侯景敗至京口壹豆洲爲羊鵠所殺嗣徽斬僞尚書右僕射索超世以鹽納景腹中送其尸于建康

侯安都字成師始興曲江人初陳霸先鎮京口除安都蘭陵太守使率水軍自京口趨石頭襲王僧辯紹泰元年使持節散騎常侍都督南徐州諸軍事仁威將軍南徐州刺史及霸先卽位爲司空都督南徐州諸軍事征

鎮江府志

卷之三十三

九

北將軍南徐州刺史以討王琳留異功加征北大將軍吏民詣闕表請立石頌功詔許之

陳

蕭摩訶字元允蘭陵人年十三從姑夫蔡路養單騎出戰軍中莫有當者路養敗歸於侯安都隨安都在京口安都凡征伐戰勝攻取摩訶功居多後主立由驃騎大將軍爲南徐州刺史子世廉敢勇有父風父死於隋終身不執刀斧有騎士陳智深者以功爲巴陵內史爲收屍手自殯殮焉

唐

謝元超武德二年爲潤州刺史重開南北謝塘以溉民田

李嶠字巨山趙州贊皇人年十五通五經二十擢進士第官給事中來俊臣構狄仁傑等將抵死嶠覆其獄列其枉狀忤武后旨出爲潤州司馬久乃召爲鳳閣舍人李思文爲潤州刺史從子敬業兵起以間道聞思文固守踰月

劉延嗣徐州彭城人爲潤州司馬徐敬業攻潤州延嗣與刺史固守俄城陷敬業邀以降延嗣曰吾世蒙恩城不守所負多矣詎敢苟生爲宗族羞敬業怒將斬之其鎮江府志

卷之三十三

三

黨魏思溫救止繫江都獄敬業敗錄忠當敘以裴炎近親裁遷梓州長史轉汾州刺史

尹元貞文明中任曲阿令徐敬業起兵攻陷潤州元貞率兵赴援戰敗被擒不屈死之事平贈潤州刺史謚曰莊

畢構字隆擇河南堰師人神龍中爲中書舍人五王之削武氏岑義爲表語甚激切構當讀表抗聲析句左右皆曉知三思疾之旣得志出構爲潤州刺史政有惠愛徙衛同陝三州刺史

岑義字伯華鄧州棘陽人文本孫舉進士中宗時由彬

州司戶參軍遷金壇令時弟仲翔爲長洲令仲林爲溧水令皆有治績義尤以文著名用薦爲汜水令累官戶部尚書進侍中

武平一名甄以字行并州文水人武后時畏禍隱嵩山累詔不應中宗立爲修文館學士嘗因詩規戒明星時以上書極諫謫蘇州參軍徙金壇令旣謫而名益起

裴寬絳州聞喜人景雲中爲潤州參軍刺史韋諒休日登樓見人於後園有所瘞藏者訪諸吏曰參軍裴寬居也與偕來詵問狀答曰寬義不以苞苴汚家適有人以鹿爲餉致而去不敢自欺故瘞之詵嗟異乃引爲按察

鎮江府志

三

判官妻以女後舉拔萃爲河南丞遷長安尉

李元紘字世綱京兆萬年人由好時令遷潤州司馬發離百里士民號泣遮路烏鵲之類飛擁行車有詔褒美之位至宰相

李濬開元中初置諸道選能吏以濬爲潤州刺史兼江南道按察使一以誠信待物稱爲良吏去職有遺愛尋遷號潞二州刺史

劉彥回開元中自侍御史左遷金壇令以直受貶終守清節琴樽自娛吏民畏愛之

陸象先蘇州吳人爲潤州刺史李德裕甚稱之曰以世

二千石象先量納百川

唐若山開元中爲潤州刺史頗有惠政遠近稱之好方術同賓僚游金山中流遁去遺疏留郡中

齊齡字洗心定州義豐人少開敏李嶠稱其有王佐才

由濠常二州刺史遷潤州潤州北距瓜步沙尾紆滙六十里舟多敗溺嶠徙漕路由京口埭治伊婁渠以達楊子歲無覆舟減運錢數十萬

啖助字叔佐趙州人淹貫經術天寶末調丹陽王簿秩滿屏居不仕爲春秋考三家短長

殷損之華州華陰人歷太原上谷弋陽餘杭四郡太守

鎮江府志

卷之三十三

三

遷丹陽郡太守數郡風俗雖異治效如一

閻敬之爲丹陽郡太守永王璘反進至當塗吳郡太守兼江東採訪使李希言遣其將元景曜及敬之將兵拒之景曜以其衆降敬之及璘戰於伊婁埭死之

韋儼上元元年以節度觀察副使領潤州刺史時劉展叛儼同江淮都統李烜浙西節度使石令儀屯京口展

引兵入廣陵烜關北固爲兵塲插木以塞江口展軍于白沙設疑兵瓜洲張火鼓譟若將趨北固者如是累日

烜悉銳兵守京口待之展乃自上流濟襲下蜀犯昇上元二年正月田神功使范知新等將四千人自白沙濟

西趨下蜀自將三千人軍于瓜洲濟江展將步騎萬餘陳於蒜山神功以舟載兵趣金山會大風不得渡還軍瓜洲而知新等兵已至下蜀展遂敗初展陷潤州以其將誰繹爲潤州刺史展敗走澤死

杜佑字君卿京兆萬年人以蔭補濟南叅軍嘗過潤州刺史韋元甫元甫以故人子待之不加禮他日元甫有疑獄不能決試訊佑佑爲辨處挈要無不盡元甫奇之署司法叅軍元甫徙浙西淮南皆表置幕府入爲工部郎中

韋損永泰元年以銀青光祿大夫領潤州刺史吏人畏

鎮江府志

卷之三十三

三

服上無貪尅下無冤情留意民事丹陽縣練塘被百姓築堤橫截以利害白本道觀察使韋元甫率徒闢之民刻石頌德

李令從永泰元年任延陵令能愛人

杜孟寅京兆萬年人永泰元年任曲阿令在任能秉清白累官侍御史

丁某餘杭人尉曲阿用文義緣飾吏道聲稱籍甚樊潛以射策高等補丹陽尉課最爲優

蕭定字梅臣歷袁信等五州刺史遷正議大夫使持節潤州諸軍事守潤州刺史大厯中有司差天下刺史常

最定與常州刺史蕭復濠州刺史張鑑爲第一其勸桑稼均賦稅勞來游口更在鑑復右

馬炫字弱翁汝州郟城人建中初由神功帥宣武署節度判官授連潤二州刺史黜陟使柳載表其清白拜右庶子

韓滉字太冲長安人建中二年爲潤州刺史遷浙江東西觀察使尋檢校禮部尚書充鎮海軍節度使時李希烈反滉乃閉關梁修塢壁起建鄴抵京峴樓雉相望以爲朝廷有永嘉南狩之事造樓船戰艦三千柁以舟師由海門大閱至申浦乃還時陳少游在揚州以甲士三鎮江府志

卷之三十三

五

千臨江大閱滉亦總兵臨金山與之會希烈陷汴州滉擇銳卒今裨將王栖曜李長榮栢良器進討遂不敢東至於緩輯百姓均租調不逾年境內稱治時淮汴震駭而漕路無梗完靖東南滉功居多貞元元年加檢校左僕射同中書門下平章事江淮轉運使浙西節度團練觀察使治所由滉自蘇徙潤

王栖曜濮陽人爲浙西都知兵馬使李希烈陷汴韓滉選擇銳卒今栖曜李長榮栢良器進討次睢陽賊已攻寧陵栖曜將良弩數千夜入寧陵良器擇弩手善游者沿汴渠夜入及旦伏弩發賊乘城者皆死矢及希烈坐

惺驚曰潤州弩手至矣遂不敢東

李長榮事載王栖曜傳

栢良器字公亮魏州人事載王栖曜傳

王緯字文卿并州太原人德宗時進給事中浙西觀察使闕李泌擬用緯帝不許對曰浙西賦役尤盛緯清而忠能惠養民故請遣之制可緯由是刺潤初州縣有韓滉特罰錢米未入者十八萬緡府史請哀爲進奉緯上疏願蠲以紓民詔聽之貞元十年加御史大夫兼諸道鹽鐵轉運使緯居官以清白稱然好用刻淡吏督察其下

鎮江府志

卷之三十三

五

李若初貞元十四年自越州刺史遷潤州刺史兼御史大夫浙江都團練觀察諸道鹽鐵轉運使時天下錢少貨輕州縣禁錢不出境商賈不通若初始奏縱錢以起萬貨十五年卒於官

李紳字公垂晤子元和中進士節度使李錡愛其才辟掌書記錡寢不法賓客莫敢言紳數諫不入欲去不許會使者召錡錡稱疾脇使者爲衆奏天子幸得留錡召紳作疏紳伴柿栗不能爲字下筆輒塗去錡怒罵對曰得死爲幸卽注以刃令易紙復然因因紳獄中錡誅乃免召右拾遺位至宰相

張子良李奉仙田少卿元和中並爲鎮海軍兵馬使刺史李錡恃恩驕恣憲宗卽位之二年諸道嘯強者入朝錡不自安亦請入朝乃拜錡左僕射錡署判官王濬爲留後旣而遷延發期濬與中使頻喻之不悅遂誣將士以給冬衣日殺濬而食之監軍使聞亂遣衙將趙琦慰諭又饒食之遂稱兵出五劍分授管內鎮將遣子良奉仙少卿領兵分略宣池等州三將夙有効順志而錡甥衙將裴行立同謀効順旣受命出乃廻戈趣城執錡于幕送京師斬闕下子良等皆遷擢封王公行立泌州刺史

鎮江府志

卷之三十三

三

韓皋字仲聞澠子策賢良方正異等元和中由鄆岳新沔觀察遷潤州刺史鎮海軍節度浙西觀察使治以簡儉所至有績復入爲戶部尚書

閻濟美貞元中由婺州刺史福建觀察使徙潤州刺史浙西觀察使爲治簡易未嘗增常賦

薛平實積元孫元和中由湖南觀察使徙浙東以治行遷潤州刺史浙西觀察使加御史大夫廉風俗守法度人甚安之理身儉薄嘗衣一綠袍十餘年不易因賜朱服然後易去歷三鎮凡十餘年家無聲樂所得俸祿悉分散親屬故人

賈易直字宗懸京兆始平人擢明經補校書郎元和十四年由宜欽觀察使爲潤州刺史浙西觀察使長慶二年部將王國清指漕貨淹積不能前激衆謀亂易直知之械送獄其黨數千群譴入獄纂取之易直立賞格誅亂者一級與千萬衆喜反縛爲亂者三百餘人悉斬之入爲戶部侍郎判度支

李德裕字文饒趙州贊皇人長慶二年由御史中丞授正議大夫使持節潤州諸軍事守潤州刺史兼浙西道都團練觀察處置等使太和三年入爲兵部侍郎以李蟾留後八年再出爲檢校尚書左僕射潤州刺史鎮海

鎮江府志

卷之三十三

三

軍節度蘇常杭潤州觀察等使九年入爲太子賓客分司東都開成元年復爲檢校戶部尚書浙西觀察使二年遷淮南節度使初潤州承王國清亂賈易直領府庫資軍資而下益驕德裕自儉約以留州財贖兵雖儉而均故士無怨再期財賦復集在鎮論孝慈止誑誘過奢僭絕妖妄停貢物民被其澤

杜顥字勝之佑孫舉進士李德裕奏爲浙西府賓佐德裕貴盛賓客無敢忤惟顥數諫正之及謫袁州歎曰門下愛我皆如顥無有今日召爲咸陽尉直史館

崔郾字廣略貝州武城人長慶中觀察浙西有善政不

藏貲財周卹貧乏遷檢校禮部尚書

敬晦字日彰河中河東人大中中爲浙西觀察時南方
游饑有詔弛權酒茗官用告乏晦處身儉勤貲力遂充
徙充海節度使

杜審權字殷衡京兆杜陵人第進士咸通五年由門下
侍郎兵部尚書爲檢校吏部尚書同平章事潤州刺史
鎮海軍節度使八年入守尚書左僕射九年罷相以檢
校司空兼潤州刺史鎮海軍節度使蘇常杭等州觀察
使審權清重寡言性長厚在鎮視事有常處非日入未
始就內寢坐必歛衽常若對大賓時賊龐勛據徐泗大
鎮江府志 卷之三十三 三
擾淮南審權遣浙西軍破之仍檢校司空入爲尚書僕
射

項斯會昌中進士尉丹徒楊敬之甚愛重之
翟行約咸通中任都頭將甲士平龐勛有功

趙翼咸通中押衙將甲士平龐勛有功

高駢字千里乾符四年檢校司空兼潤州刺史鎮海軍
節度使時王仙芝陷荆襄徒黨皆郢人僖宗以高駢前
鎮郢軍民畏服故授駢京口節鉞以招懷之駢遣將分
兵窮討降其驍將畢師鐸秦彥李罕之許勅數十人賊
走崩表加諸道行營兵馬都統江淮鹽鐵轉運等使俄

徙淮南節度副大使

南唐

林仁肇建陽人少爲閩裨將沉毅果敢軍中謂之林虎
子仕南唐爲潤州刺史因家於潤常密陳取宋之策宋
忌之懸仁肇畫像引江南使者觀之又指空館曰將以
待仁肇也使者歸白南唐主遂賜殺之

盧文進字大用范陽人自晉安遠節度使奔吳以爲天
雄統軍宣潤節度使委任賓佐政績甚美潤州市大火
文進使馬步使救之益熾文進怒出府門斬馬步使傳
聲而火止人皆異之召還以左衛上將軍兼中書令

鎮江府志

卷之三十三

三

呂延貞昇元中爲丹陽令兼點檢館驛迎送公事重開
練湖作斗門以通灌注有奏狀又自作銘序以述其事
殷崇義貴池人文章名世朝廷制誥皆出其手以平章
事出領爲潤州節度使撫軍治民衆情胥悅復入爲宰
相

盧絳字晉卿南昌人上書後主陳京口至潤壁要衝之
地宜立柵屯戍其餘利害數十事召募便習舟楫水道
者得馬雄王川軍等數千人立爲偏裨督習水戰節以
金鼓麾以旗幟迴船轉戈動如節制累於海門遮護越
人船舫百餘艘鹽數萬石以功拜上柱國凌波將軍都

虞侯潤州節度使時宋師圍金陵後主遣絳出援丹陽絳出舟師突圍出至京口舍舟登岸麾兵三戰越人三

北

宋
劉蒙正字頤正宋州寧陵人王師征江南命乘傳軍中承事南唐盧絳以舟師援潤州蒙正白部署丁德裕請分精甲一百人出與絳戰矢中左脇戰愈力及下潤州獲知州劉澄等部送闕下尋知潤州軍州事

柳開字仲塗大名人開寶六年舉進士太平興國中選知常州徙潤州拜監察御史初開至潤招誘群盜以俸

鎮江府志

卷之三十三

三

金給之又解衣與賊酋置之左右或謂不可開曰民失所則爲盜懼死故假息鋒刃之下推以赤心夫豈不懷未半歲境內輯寧

劉師道字損之開封東明人擢進士爲京東轉運使咸平中范正辭薦其才堪長民徙知潤州敏于吏事治有能聲吏民畏愛之

許元字子春宣州宣城人知丹陽縣縣有練湖決水一寸爲漕渠一尺故法盜決湖者罪死會歲大旱元請借湖水溉民田不待報決之州遣吏按問元曰便民罪令可也竟不能詰由是溉民田萬餘頃歲乃大豐

王隨字子正河南人進士甲科乾興中以光祿卿知潤州練習民事有善政及民

范仲淹字希文蘇州吳縣人初讀書丹徒龍華寺舉進士第每感激論天下事奮不顧身一時士大夫矯厲尚風節自仲淹倡之景祐三年官吏部員外郎時呂夷簡執政進用者多出其門仲淹上百官圖指其次第夷簡不悅又論建都與夷簡左侍御史韓瀆希吉請書仲淹明黨揭之朝堂遂落職士大夫論薦者不已仲淹在饒州歲餘徙知潤州親學校請賜閒田具經史傳疏諸子書聘處士李覲以教士子政尚寬厚累官叅知政事功

鎮江府志

卷之三十三

三

在經略西夏爲多卒贈兵部尚書謚文正

李覲字泰伯南城人辯博能文親老以教授自給學者常數十百人寶元二年范仲淹爲守聘使講說以教養郡弟子皇祐初薦爲試太學助教

向約通判潤州爲郡守范仲淹所知後仲淹離潤約知絳州薦約操守堪充清要任使

許渤潤州觀察推官范仲淹舉渤清心至行不求聞達復通經術長于議論改簽書陝府判官

吳中復字仲庶濮陽人慶曆二年知金壇縣事登第時仁宗賜群進士詩卒章有清修字因築清修亭于聽事